



Republic of Zambia  
Ministry of Education


**LITILICCA MU CHITONGA**  
**BBUKU LYABELESYA KUYIISYA**  
**FOOMU 1-TEEMU 1**



Developed by the Curriculum Development Centre

Lusaka

2025



© Curriculum Development Centre, 2025

Nguzu zyoonse zyilisinkilidwe. Kunyina cibeela cabbuku eeli ceelede kulembululwa nokuba kubambululwa munzila imwi kakunyina kuzuminzyigwa abakalilemba,

## BALEMBI

1. **Eugine Muuka** – Senior Curriculum Specialist - TESS
2. **Haachizo Perceival Pugh** – Teacher - Riverview secondary School – Kazungula
3. **Hamududu Obery Mwaka** – Teacher – Monze Boarding Secondary School – Monze
4. **Hangala Jepherson** – Teacher - Canisius Secondary School – Monze
5. **Moonga Stanslous** – Teacher - Mazabuka Girls Secondary School -Mazabuka
6. **Pali Jackline** – Lecturer - David Livingstone College Of Education – Livingstone.
7. **Zimba Gwendoline Annet** –Teacher - Njase Girls Secondary School – Choma.

## **MATALIKO**

Kutalika kwiiya kubelesya ncotwaamba mucikuwa kuti ‘*Competence Based Curriculum*’ caleta kwiiya kucincide kwaluzyibo lwakucita ziyandika kupa kuli basicikolo kubelesya zyakucita ziyandika mazuba aciindi cino kwalo kwiiya nikwaunka mujulu, calo citondezya ntaamu yakucinca mukusumpula lwiiyo mucisi.

Bbuku lyakubelesya kuyiisya kumataliko alwiiyo naa Modyu (*Teaching Module*) kuli basicikolo bali mu Foomu 1 muciiyo ca Litalicca, lyakalembwa kutobela muzeezo wa *Competence Based Curriculum*, walo uswaanganya lwiiyo olu azyintu zyicitika mubuumi bwini bwamuntu. Zyintu zyeedelede kucitwa, (*General Competences*) zyakabikkwa mubbuku lijisi zyalwiiyo mucisi lya 2023 *Curriculum Framework*, zyili swaanganinzyidwe abbuku eeli.

Eeli bbuku lilaa muzeezo wakugwasyilizya bamayi bayiisya basicikolo ba Foomu 1 mukuyiisya kubelesya *Competence Based Curriculum*, muciiindi mabbuku aayeledede kubelesyegwa naatana lembwa. Eeci citondezya kulyaaba kuliko kuzwa kumutabi walwiiyo kutegwa caba cintu cuubauba kuli bamayi kuyiisya basicikolo. Nokuba boobo bamayi balakulwaizyigwa kuzuzikizya bbuku eeli lyakubelesya kuyiisya kwiinda mabuvwuntauzi bwabo beni kutegwa bazuzikizye myaako iinga yajanika ciindi cakuyiisya.

Joel Kamoko (Mr)

Permanent Secretary – Educational Services

**MINISTRY OF EDUCATION**

## **KULUMBA**

Lwiiyo lwakutaanguna lwa Litalicca mu Foomu 1 nkuzwidilila kwakubuziyanya-buziyanya abasikutola lubazu banji mumutabi akunze aamutabi uulanganya lwiiyo mucisi.

Bantu banji, zykolo ambunga zynji zyakabuziyigwa kutegwa zyaambe mboziyeeya kujatikizya kwiiya ciiyo ca Litalicca mu Chitonga kwiinda mukwiiya kwakucita zyintu naa *Competence Based Curriculum*. Mutabi uulanganya lwiiyo uyanda kupa kulumba kuli baabo boonse bakotola lubazu kupa twaambo twalo twakagwasyilizya kutegwa bbuku eeli lyakubelesya kuyiisya ba Foomu 1 lilembwe.

Kumamanino ndiyanda kulumba mbunga yababelesi babeleka ku *Curriculum Development Centre*, balo bunkutwe bwabo bwakabelesyegwa bweelede kubona masimpe kuti kulemba bbuku eeli kwamaninzyigwa bweelede.

Charles K. Ndakala (Dr)  
Director Curriculum Development  
**MINISTRY OF EDUCATION**

## MABALA MAPATI-PATI AABELESYEGWA

**Kunsunsaula** – Kupandulula cintu cakusindinganya.

**Kusalangunya** – Kulanganya cintucakusininyza kutegwa ucimvwisisisye

**Kunongaula** – Kulanga-langa cintu kusola kujana bubotu nokuba bubu.

**Kwabulana** – Kuvwiilana kucitika akati kamuntu waambaula abateelezya.

**Kwiibilizya** – Kunoneenzya kwacintu cicitika.

**Mituni** – Zyibumbwa bamwi nzyobasyoma akupaila.

**Syaabupampu** – Kucizyiba kubeleka mulimo umwi bweelede.

**Kankobela** – Ncibelesyo cakwiimba antela kweema.

**Zyilengwa Leza** – Zyintu zyaka lengwa amulengi (Leza)

**Bbumbili** – Busena bubambidwe kuti mbwakusobanina.

**Kuwentuzya** – Kutamvwa kabotu muntu ncaamba.

**Masunko** – Kulimvwa kuyanda kucita cibi.

**Nceya** - Bukandu

**Buntususu** – Nguzu zykwiibilila buponi bwabantu.

**Tulumbu** – Cibelesyo cimbi cakubelesya ciindi cakwiimba.

**Muyuwa** – Kagabba kakabikkwa tubwe tusyoono kabelesyegwa kwiimba.

**Namalwa** – Ncibelesyo cimwi cibelesyegwa kuyabila.

**Busengwe-sengwe** – Nkucizyiba kubamba zyintu bweelede.

**Mangwinini** – Kulengelezya zyakusesya calo cipa kukkomana.

## ZYILI MOOMU

1. Balembi .....	3
2. Matalikilo .....	4
3. Kulumba .....	5
4. Mabala Mapati-pati .....	6
5. Ntalisyo.....	9
6. Zyakucita Zyeelede .....	11
7. Matalikilo Aa Litalicca .....	12
8. Misyobo Ya Litalicca .....	20
9. Litalicca Iilembedwe .....	26
10. Kwiindana kwa Litalicca Yakumulomo a Litalicca Iilembedwe	30
11. Milimo Ya Litalicca .....	34
12. Litalicca Yakumulomo .....	45
13. Misyobo Ya Litalicca Yakumulomo .....	52
14. Bibliography .....	57



## NTALISYO

Bbuku lyakubelesya kugwasyilizya bamayi kuyiisya mu Foomu 1 naa Modyu (*Teaching module*) lyakalembwa kugwasyilizya bamayi kuyiisya bweelede ciyo ca Litalicca mu Chitonga kubelesya nzila yakuyiisya mpya.

Bbuku eeli lyakalembwa kutobelesya kuzuminanwa kwakacitika kwakubelesya kucita zyintu naa *Competence Based Syllabus*. Muzeezo ngwakusola kubaa cakubelesya kuyiisya mucindi nokutana lembwa mabbuku aakubelesya akupa basikuyiisya zyakubelesya zyini, zyakucita alimwi akulingula kutobelesya basicikolo mpobateene alimwi anzyobayanda.

Mutabi uulanganya lwiiyo mucisi ulizyi buyumu-yumu buboola kwiinda mukucinca nzila yalwiiyo kuya kuli imbi, yalo eeyi njakucikonzya kucita zyintu naa *Competence Based* mucikuwa. Kusala nzila yakucizyiba kucita zyintu naa *CBC* nintaamu mpati yakucinca kusumpula lwiiyo luyandika. Eeli bbuku litondezya kulyaaba kuliko kuzwa kumutabi ulanganya zyalwiiyo kutegwa cibe cintu cuubaaba kuli bamayi, kutegwa bapegwa malailile, zyakucita zyiyeeyelwa, akulingula basicikolo kweendelanya amizeezo ya *CBC*. Nokuba boobo, bamayi balakulwaizyigwa kuzuzikizya bbuku eeli kwiinda mubuvwuntauzi bwabo beni kutegwa bazuzikizye myaako iinga yajanika ciindi cakuyiisya.

Zyakucita zyapegwa akulingula kwapegwa mubbuku eeli ziyandika kupa zyakucita zyini aluziyibo lwakuyeeesya kuli basicikolo kumwi kacibapa kulimvwa bupati akucikonzya kucinca kutobela zyintu zyipya ziyatikizya kwiiya kucikolo. Bamayi balakulwaizyigwa kubelesya lugwasyo lupegwa, kutobelesya zyintu nzyobacita mumakkilasi aabo, kutegwa kabakonzya kubelesya nzila zyimbi, ziyizuminika kuti kwayandika. Ooku kucikonzya kucincauzya boobu ncitu cipati kukucita kuti basicikolo boonse, kufwumbwa nkobabede, batambule bubotu kuzwa kulwiiyo lubelesyegwa.

Kuyeeeyelwa kuti bbuku eeli ciyakuba cibelesyo cipati kuli bamayi ciindi nobabelesya zyakucita zyelede naa *Competence Based Curriculum*, kusumpula kucikonzya kupa lwiiyo lweelede, luzyibo akubikkila maanu ayandika kusola kuleta nzila yalwiiyo iisumpukide.

## **BBUKU EELI MBOLYEELEDE KUBELESYEGWA**

Eeli bbuku lyakubelesya kuyiisya naa modyu (*Teaching Module*) lijisi zyakuyiisya zyeede kuyiisyigwa kuli ba Foomul. Lilibikkidwe mumitwe yakubelesya. Zyakwiiya zyili mubbuku eeli tazyili zyiiyo, pele inga zyabelesyegwa kubamba zyiiyo. Mwiiyi weede kubelesya mitwe yatwaambo iili mubbuku eeli kuyiisya basicikolo.

Kuli nzila zyiyeeyelwa kuti inga zyabelesyegwa kuyiisya Litalicca mu Chitonga. Eezyi nzila inga mwazyijana **kumatalikilo aasilabbasi** ya Litalicca.

## ZYAKUCITA (COMPETENCES) ZYELEDE KUSUMPULA

	Ceelede kucitwa ( Competence)	Bupanduluzi (Descriptors)
1.	Kusinyuka kuyeeya kujana bwiinguzi bweelede <b>(Analytical thinking)</b>	<ul style="list-style-type: none"> <li>• Kusansaula kuzyiba zyintu mbozyeelede kuba.</li> </ul>
2.	Kutuma akutambula milumbe <b>(Communication)</b>	<ul style="list-style-type: none"> <li>• Tondezya nzila zyibotu zyakuswiilila, kwaambaula akulemba.</li> <li>• Belesya mulaka weelede munzila zyaandeene.</li> <li>• Ambaula cakusongwala bweelede.</li> <li>• kwinzyaanya kubandika abamwi.</li> </ul>
3.	Busengwe-sengwe aluzyibo lwakwaanza zyintu <b>(Creativity and innovation)</b>	<ul style="list-style-type: none"> <li>• Kutuma akutambula mizeezo yamuntu kubuleya.</li> <li>• Kubuzya mibuzyo.</li> </ul>
4.	Kubelekela antoomwe <b>(Collaboration)</b>	<ul style="list-style-type: none"> <li>• Kubelekela antoomwe.</li> </ul>
5.	Kuyeeyesya <b>(Critical thinking)</b>	<ul style="list-style-type: none"> <li>• Kubuzya mibuzyo.</li> <li>• Kubelekela mutubunga akubandisyanya</li> <li>• Kubelekela antoomwe akubandisyanya mutubunga.</li> <li>• Kubungika zyintu kweendelanya abube bwazyo</li> <li>• Kubamba zyintu zyaandeene-andeene</li> </ul>
6.	Lwiiyo lwakuzyiba kubala akulemba mumayuwe/luzyibo lwakubelesya kompyuta <b>(Digital literacy)</b>	<ul style="list-style-type: none"> <li>• Kuba abusongo bwakweendelanya maanza ameso kumincini yamayuwe</li> </ul>
7.	Busongo bwamizeezo/Bucenjezu butondezya mubili ncuuyanda <b>(Emotional intelligence)</b>	<ul style="list-style-type: none"> <li>• Kutuma akutambula milumbe abamwi bantu.</li> <li>• Kubelekela amwi/antoomwe.</li> <li>• Kutondezya lubomba.</li> </ul>
8.	Luzyibo lwakucita makwebo /Makwebo aakumanizya mapenzi (Financial literacy) <b>(Entrepreneurship)</b>	<ul style="list-style-type: none"> <li>• Kubelesya mulaka kutondezya nzila zyuubauba zyabukkale mbuli kusambala akuula</li> <li>• Sobana kasobano kutondezya nzila zyakusambala akuula.</li> </ul>
9.	Nzila yakumana mapenzi <b>(problem solving)</b>	<ul style="list-style-type: none"> <li>• Kobelesya luzyibo lwatubala twa Alufabeti kubamba mabala</li> </ul>

## **MUTWE: MATALIKILO AA LITILICCA.**

### **NTALISYO**

Ciiyo eeci cilanganya bupanduluzi bwa Matalikilo aa Litolicca. Mumilaka yesu iina Afulika, tujisi misyobo mipati yobilo ya Litolicca yalo iili nja kumulomo alimwi ailembedwe.

**CIKWELELEZYA KUCHIYO:** Ino nikwanyina zyakuswiilizya akweebela buumi nibwali buti?

### **MABALA MAPATI-PATI.**

- Kusansulula
- Kusalangunya
- Kunongaula
- Mazyalane.

## **MUTWE MUSYOONTO: Kupandulula Litolicca.**

### **NTALISYO.**

Mucibeela eeci tulalanganya bupanduluzi bwa Litolicca. Tulamvwa bupanduluzi buzwa kubalembi baimpene-impene twamana tulabulanganya bupanduluzi oobu akubusalangunya kuti akati kabupanduluzi oobo bwapegwa, mbubuli mbotuyeeza kuti bulizulide kweendelanya amusyobo waciiyo ncutupandulula. Kumamanino aumwi sicikolo uleelede kubamba bupanduluzi bwakwe kweendelanya ambwaacimvwa ciiyo.

**CEELEDE KUCITWA:** Kupandulula Litolicca.

**CAKUCITA 1: Kundandamika bupanduluzi bwa Litolicca bwiindene-indene.**

### **MWIIYI**

- Sololela basicikolo kundandamika bupanduluzi bwa Litolicca.
- Gwasyilizya basicikolo kubambulula bupanduluzi mbubapa.

## BASICIKOLO

- Bandandamike bupanduluzi bwa Litalicca.

## LUZYIBO KUMWIIYI.

### **Bupanduluzi bwa Litalicca**

- Litalicca yiitwa kuti nzyamumabbuku.
- Caamba milimo yamizeezo yabantu iibikkidwe mubulembo. Eeci cilajatikizya mabbuku, zyaano, zyiimbo, milaso azyimwi biyo.
- Caamba kuzubulula buumi mumabala akasimpe mabotu.
- Caamba zyintu zyilembedwe.
- Ninzila yakubwezelela, kuyobola akupa luzyibo akulikkomaninsya kuzwa kuzyalane lyomwe kuya kuli limbi.
- Ilajatikizya bulembo buzubulula zyilengwa Leza mbozyiswaangana amaumi aabantu kweendelanya amulembi mbucakamujata mubuumi bwakwe.
- Iimimina kutondezya kulimvwa kwabantu muzyooko mobakkala kumfwulumende, muzyintu ziyabazingulukide, kubantunyina akuliyooyo wakabalenga walo uotalibonyi.
- Tacaambi biyo zyintu zyilembedwe zyilikke pele azyeezyo zyaambaulwa amulomo, zytondezyegwa abantu, nzyobabamba kufwumbwa mumusyobo mozyibede.

### **ZYIBELESYO ZYAKUYIISYIZYA**

- Bbuku lyakubelesya kuyiisya, mapepa, manila, amabbuku aamwi biyo.
- Bayi babelesye kufwumbwa zyibelesyo zyeendelana aciyo.

CILANGILWA CEELEDE: Bupanduluzi bwa Litalicca bwiindene-indene bwandandamikwa cikikutwa.

### **MULIMO**

- Basicikolo bakayandaule bupanduluzi bumbi bwa Litalicca kuᅇanda

### **CAKUCITA 2: Kusansulula bupanduluzi bwa Litalicca.**

## MWIIYI

- Sololela basicikolo kuti basansulule bupanduluzi bomwe-bomwe bwapegwa kweendelanya ambubacimvwa.
- Gwasyilizya basicikolo kubambulula busansuluzi mbubapa bwa Liliticca.

## BASICIKOLO

- Basansulule bupanduluzi bwa Liliticca bwapegwa.

## LUZYIBO KU MWIIYI.

- Liliticca yiitwa kuti nzyamumabbuku. Eeziyi zyitegwa nzyamumabbuku akaambo kakuti cibeela eeci cakali kujatikizya biyo kuyiisya akusunka zyakalembedwe mumabbuku aakalembwa abalembi baandeene- andeene.
- Liliticca caamba milimo yamumizeezo yabantu iibikkidwe mubulembo. Eeci cilajatikizya mabbuku, zyaano, milaso azyimwi biyo. Kweendelanya abupanduluzi oobu, Liliticca cijatikizya mizeezo yabantu kufwumbwa mbwiibede pele kaibikkidwe mubulembo. Mizeezo eeyi inga kaili muciiimo ca zyaano, zysisobano, zyeemo azyimwi biyo.
- Liliticca caamba kuzubulula buumi mumabala aakasimpe mabotu. Mbulembo bwamizeezo yamuntu, mbwalimvwa, nzyalombozya kuti kazyili mbubo. Ncaano cabuumi bwamuntu cibikkidwe mubulembo akwaabanwa kubuleya.
- Liliticca caamba zyintu zyilembedwe. Eeli bbala lijatikizya kapati milimo yamumizeezo yamuntu kwiinda mukweema amilaso, yalo mulembi njalemba akutondezya bubotu bujanwa muli njiyo buyiisya akukkomaninsya.
- Liliticca ninzila yakubwezelela, kuyobola akupa luzyibo akulikkomaninsya kuzwa kuzyalane lyomwe kuya kuli limbi. Eeci cilijisi mulimo mubukkale, mizeezo, mumuya, mutunzanyu amumaumi aabantu. Oobu bupanduluzi butondezya kuti zyintu ziyandika kapati muzyooko mukkala bantu zyilayiisigwa kumazyalane mbwaayabuccililana. Alimwi ziyijisi mulimo mupati kucenjezya akunyona bantu mbuli basololi bazyisi. Inga kazyilembedwe mumabbuku nokuba kwaambwa kwiinda muzyaano nokuba zysisobano.
- Liliticca ilajatikizya bulembo buzubulula Zyilengwa-Leza mbozyiswaangana amaumi aabantu kweendelanya amulembi mbucakamujata mubuumi bwakwe. Bupanduluzi oobu butondezya kuti Liliticca

mbulembo biyo, bwalo bubalwa kujatikizya mbuli mulembi mbwaswaanganya buumi bwabantu azyilengwa-Leza.

- Litalicca iiminina kutondezya kulimvwa kwabantu muzyooko mobakkala kumfwulumende, muzyintu zyibazingulukide, kubantunyina akuliyooyo wakabalenga walo uatalibonyi. Kweendelanya abupanduluzi oobu, Sikupandulula ulaakati-kati; tatondezyi kuti naa kulimvwa kwabantu ooku bakutondezya kwiinda mubulembo naa mukwaambaula naaba muzyisobano.
- Litalicca tacaambi biyo zyintu zyilembedwe zyilikke pele azyeezyo zyaambaulwa amulomo, zytondezyegwa abantu, nzyobabamba kufwumbwa mumusyobo mozyibede. Bupanduluzi oobu bucibikka antangalala kuti Litalicca ili mumisyobo yaandeene-andeene; Inga yaba mubulembo, mukukanana, zyakubamba akusobana kutondezya kulimvwa kwabantu naa mulembi.

#### ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, mapepa, manila, amabbuku aamwi biyo.

CILANGILWA CEELEDE: Bupanduluzi bwa Litalicca bwasansululwa cikikutwa.

MULIMO.

- Basicikolo basansulule bupanduluzi bwa Litalicca mumabala abo beni.

#### CAKUCITA 3: Kupandulula Litalicca.

MWIIYI

- Ambila basicikolo kuti bapandulule mumajwi aabo mbobayeeya kuti Litalicca ninzi.
- Lulamika bupanduluzi bulubide bupa basicikolo akukulwaizya buluzi.

BASICIKOLO

- Bapandulule mumajwi aabo mbobayeeya kuti Litalicca ninzi

LUZYIBO LWABAYI.

- Litalicca caamba nzila bantu nzyobabelesya kutondezya kulimvwa kwabo kujatikizya zyintu zyicitika mumaumi aabo amuzooko mobakkala kwiinda mukulemba zyaano, kukanana, kusobana, kwiimba anzila zyimwi biyo.

#### ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, manila amabbuku amwi aajisi bulembo bwa Litalicca.
- Bayi babelesye kufwumbwa zyibelesyo zyeendelana aciiyo.

CILANGILWA CEELEDE: Litalicca yapandululwa buluzi.

MULIMO.

- Sicikolo omwe-omwe alembe bupanduluzi bwakwe mwini bomwe bwa Litolicha mubbuku lyamilimo.
- Bayi bape mulimo kweendelanya aciiyo.

### **MUTWE MUSYOONTO 2: Kusalangunya bupanduluzi bwiindene-indene bwa Litolicca.**

NTALISYO: Litolicca ilijisi bupanduluzi bwaandeene-andeene kweendelanya abalembi mbobacimvwa ciiyo eeci. Mucibeela eeci tulalanganya bupanduluzi bwaandeene bwa Litolicca kweendelanya ambubwapegwa muciiyo cainda. Tulalanganya kuti, mbubuli buzulide kweendelanya azyintu ziyiigwa muciiyo eeci.

CEELEDE KUCITWA: **Kusalangunya bupanduluzi bwa Litolicca bwaandeene-andeene.**

**CAKUCITA 1: Kulanganya-langanya bupanduluzi bwa Litolicca.**

MWIIYI

- Kopa basicikolo bupanduluzi bwiindene-indene bwa Litolicca akubulanga-langwa kuti mbubuli buzulide kabotu. Banongaule bomwe-bomwe akujana mapenzi abubotu muli mbubo bwalo bupa kuti kabutazulide nokuba kuzulila.
- Gwasylizya basicikolo ciindi nobanongaula bupanduluzi bwa Litolicca bwaandeene-andeene.

BASICIKOLO

- Batondezwe bupanduluzi mbobayeeya kuti mbobubo bweelela ncobeni kweendelanya azyiyigwa muciiyo.

LUZYIBO KU MWIIYI.

- Bayi babelesye bupanduluzi buli muli **cakucita 2.**

ZYIBELESYO ZYAKUYIISIZYA ZYIMWI.

- Bbuku lyakubelesya kuyiisya, manila, cipepa cilembedwe bupanduluzi bwa Litolicca, amabbuku aamwi biyo.
- Bayi balaangulukide kubelesya zyibesyo kufwumbwa zyeendelana aciiyo.

CILANGILWA CEELEDE: Bupanduluzi bwa Litolicca bwalangwa-langwa buzulide.

MULIMO.

- Basicikolo balembe bupanduluzi bwabo kuzwa kuli bwapegwa
- Bayi bape mulimo kweendelanya aciiyo.

**CAKUCITA 2: Kukozyanyanyisya akupa lwiindano luliko akati kabupanduluzi bwapegwa.**



## MWIIYI

- Sololela basicikolo kulanganya kukozyanya alwiindano luliko akati kabupanduluzi bwapegwa.

## BASICIKOLO

- Balanganye bupanduluzi bwapegwa akutondezya boobo bujisi zyintu zyikozyanya aboobo bwiimpene kuli bumwi abumwi.

## LUZYIBO KUMWIIYI.

- Bayi babelesye bupanduluzi buli muli **cakucita 1**.

## MULIMO

1. Basicikolo basale bupanduluzi bwapegwa, bamana balembe kukozyanya nkobatijane muli mbubo.
2. Kubupanduluzi buli **mumubuzyo 1**, balembe kwiimpana nkobatijane muli mbubo.

## **CAKUCITA 3: Kunongaula bupanduluzi bwa Litalicca.**

## MWIIYI

- Sololela basicikolo kunongaula bupanduluzi bwa Litalicca.
- Gwasyilizya basicikolo kubona kuti mubandi weenda bweelede.

## BASICIKOLO

- Basicikolo bamana kulanganya kwiindana akukozyanya kuliko akati kabupanduluzi bwapegwa, batondezye nzyibajana kujatikizya ciiyo eeci mbuli mbocipandulwidwe abupanduluzi bwaandeene-andeene. Batondezye bubotu abubi mbubajana mubupanduluzi bupedwe.
- Basicikolo basale bupanduluzi buzulide kwiinda bumwi bamana batondezye cabapa kuti basale mbubo.

## LUZYIBO KUMWIIYI.

- Bayi babelesye bupanduluzi bwapegwa muli **cakucita 1**.

## ZYIBELESYO ZYAKUYIISIZYA ZYIMWI

- Bbuku lyakubelesya kuyiisya amabbuku amwi aajisi bulembo bwa Litalicca.
- Bayi balaangulukide kubelesya azyimwi zyibelesyo zyeendelana aciyo

## CILANGILWA CEELEDE: Bupanduluzi bwa Litalicca bwanongaulwa buzulide.

## CAKUCITA:

1. Basicikolo basale bupanduluzi bomwe kuli boobu bwayiigwa, bamana balembe twaambo ntobayeeya kuti mbobweelede kwiinda bupanduluzi boonse bwapegwa.

2. Basicikolo basale abumwi bupanduluzi mbobayeeya kuti tabuzulide, bamana balembe twaambo ncobayeeyela boobo.

### **MUTWE MUSYOONTO 3: Kubamba bupanduluzi bwa Litalicca.**

NTALISYO: Ciindi basicikolo nibamana kusalangunya akulanganya bupanduluzi bwaandeene –andeene, balajana luziyibo lujatikizya mizeezo iizwa mubupanduluzi oobu. Aboobo mucibeela eeci tulalanganya nzila zyakubamba bupanduluzi bwa Litalicca kuzwa kuli sicikolo omwe-omwe kweendelanya ambwaacimvwa ciyo eeci.

CEELEDE KUCITWA: Kubamba bupanduluzi bwabo bwa Litalicca.

MWIIYI

- Ambila basicikolo kuti babambe bupanduluzi bwabo bwa Litalicca kweendelanya ambubacimvwa ciyo eeci.
- Gwasyilizya basicikolo kubona kuti mubandi weenda kabotu.

BASICIKOLO

- Basicikolo bamana kulanganya akusalangunya bupanduluzi bwa Litalicca bwiimpene-impene bwapegwa, babambe bupanduluzi bwabo beni kweendelanya ambubacimvwa ciyo.

LUZYIBO KUMWIIYI.

- Basicikolo balaangulukide kupa bupanduluzi bwakulibambila beni.
- Bayi bagwasyilizye basicikolo kubona kuti babamba bupanduluzi buluzi. Aawo mpobayandika kubambulula, ababagwasye bayi babo.

ZYBELESYO ZYAKUYIISIZYA ZYIMWI

- Bbuku lyakubelesya kuyiisya, manila amapepa amwi aajisi bulembo bwaciiyo.
- Bayi babelesye kufwumbwa zyibelesyo zyeendelana aciiyo.

CILANGILWA CEELEDE: Bupanduluzi bwa Litalicca bwabambwa cakukutula.

MULIMO.

- Bayi bape basicikolo tupepa balembe bupanduluzi bwabo beni kakunyina kulanga mumabbuku.
- Bayi bape mulimo kweendelanya aciiyo.

**CAKUCITA 2: Kwiiiminina bupanduluzi bwabambwa.**

MWIIYI

- Sololela basicikolo mumubandi wabwiiiminizi bwabupanduluzi bwabambwa.
- Gwasyilizya basicikolo kutegwa mubandi ooyu weende kabotu.

BASICIKOLO

- Basicikolo bape twaambo tukkutwa ncobayeeya kuti bupanduluzi mbubapa buleelede ncobeni.

## LUZYIBO KUMWIIYI.

- Bayi babelesye luzyibo lwabupanduluzi bwakayiisyigwa kuzyiyo zyakainda

### MULIMO:

1. Babambe bupanduluzi bumbi bwa Liliticca.
  2. Kubupanduluzi mbubabamba, basale mbobayeeya kuti bulizulide kwiinda bumwi.
  3. Abalembe twaambo tukkutwa tuzuzikizya kuti bupanduluzi bwabo buleelela ncobeni.
- **Bayi balaangulukide kupa mulimo kweendelanya aciyo.**

## KUMANINZYA.

- Liliticca inga yapandululwa munzila zyaandeene-andeene kweendelanya asikupandulula mbwacimvwa.
- Liliticca tajatikizyi biyo zyintu zyilembedwe pele azyeezyo zyaambwa amulomo mpande mbuli kwiimba, kwaana, kweema, kuyabila, kusobana azyimwi biyo.
- Nokuba kuti Liliticca ilapandululwa munzila zyaandeene-andeene, tujana kuti bupanduluzi bunji tabuzulide nkaambo bulanganya biyo cibeela comwe akusiya cimwi.
- Tujana kuti aumwi muntu ulakonzya kupa bupanduluzi kweendelanya ambwaacimvwa ciiyo ca Liliticca nokuba kuti abwalo inga kabujisi butongo bumwi bwalo bunga bwayanda kunongaulwa abantu bamwi.

## **MUTWE 2: MISYOBO YA LITILICCA.**

### **NTALISYO.**

Litilicca ili mizyibeela zyinji kapati zyalo zyaamba mbuli buponi bwabantu mbobwaandeene-andeene kwiinda mukupa tumsiya-nsiya, zyaano zyabuponi bwabantu ambobayeeya muzyooko mobakkala. Eezyi zyili muciiimo cazyeezyo ziyibandikwa azyilembedwe.

### **CIKWELELEZYA KUCIYO.**

- Mbubuti Litilicca mboitugwasya kuzyiba mbotunga twasumpula buumi bwesu anyika yoonse?

### **MABALA MAPATI-PATI.**

- Kwabulana
- Kwiiibilizya
- Mituni
- Syaabupampu
- Kankobela
- Zyilengwaleza
- Bbumbili
- Kuwentuzya
- Masunko

## **MUTWE MUSYOONTO: Litilicca yakumulomo.**

### **NTALISYO**

Zyijatikizya Litilicca yakumulomo zyilacitwa mumajwi kwiinda mukwaambaula, kwiimba, kwaana, kulabika, kweema, kwaambilila, kusobana azyimwi biyo. Aboobo,

mucibeela eeci tulalanganya Litalicca yakumulomo ncoyaamba, mboilizyibya, misyobo yanjiyo abube bwayo.

CEELEDE KUCITWA: Basicikolo

- Babandike ziyatikizya Litalicca yakumulomo.

### **CAKUCITA 1: Kupandulula Litalicca yakumulomo.**

MWIIYI

- Ambila basicikolo kucita cimwi cintu (kwiimba, kulabika, kwaana, kusobana, kweema) cijatikizya Litalicca yakumulomo.
- Ambila basicikolo misyobo ya Litalicca eeyi yaambwa moizulilwa.
- Belesya nzila zyimbi zyeendelana amutwe kunze aazyapegwa waawa.

BASICIKOLO

- Bacite malailile aabapa bayi babo.

LUZYIBO KUMWIIYI

- Litalicca yakumulomo ndibbala lijisi bupanduluzi bunji lyalo lijatikizya kufwumbwa eeco cimwaigwa amulomo. Eeci ncibeela cipati nkaambo cilatondezya zyakali kucitika kaitanaba Litalicca iilembedwe.
- **Bayi bape bupanduluzi bwa Litalicca yakumulomo kufwumbwa bweelela.**

ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, manila, mapepa ajisi bulembo bumwi bwa Litalicca.
- Bayi babelesye zyibelesyo kufumbwa zyeendelana aciiyo.

CILANGILWA CEELEDE

- Litalicca yakumulomo yapandululwa bweelede

MULIMO

- Aumwi sicikolo alembe bupanduluzi bwakwe bwa Litalicca yakumulomo.
- Bayi bape mulimo weendelana aciiyo.

## **CAKUCITA 2: Kutondezya Litalicca yakumulomo.**

### **MWIIYI**

- Sololela basicikolo mumubandi wakulanganya kutondezya Litalicca yakumulomo.

### **BASICIKOLO.**

- Babandike kweendelanya amalailile aapa mwiiyi.

### **LUZYIBO KUMWIIYI**

- Ijwi libandikwa ndiyandisi. Aboobo cintu cipati ku Litalicca yakumulomo ndijwi. Kunyina mpolilembedwe pesi lilabelesyegwa cigaminina kwiinda mukwaambaula alimwi amumicito.
- Litalicca yakumulomo kanji-kanji ijatikizya kucita cimwi cintu mbuli kwiimba akuzyana, kutondaika akukwabalana abeebelezya. Eeci cipa kuti Litalicca yakumulomo kiisumpuka kufwambaana akwiibilizya.
- Litalicca yakumulomo ilitolelela kucooko acooko ciibamba akwiibelesya. Iyubulula zyintu nzyobasyoma, nzyobacita, bukkale bwakaindi antoomwe abweendelezi akati kabo.
- Litalicca yakumulomo ilalitondezya kwiinda mutwaano, tusimpi, tulabi, zyiimbo, kwaambilila azyeemo. Kanji-kanji eezyi zyintu acimwi kuli mulimo ngocicita mubukkale bwabantu.
- Litalicca yakumulomo ilazumanana mumazyalane kwiinda mukwaana, kujanika mpozyicitikila zyintu antoomwe akutola lubazu muzyiyanza zycitika.
- Kanji-kanji Litalicca yakumulomo ibelesya mulaka wamaambila mbali kuzwidilizya mizeezo abupanduluzi.
- Basikwaana balaa lubazu lupati mukusumpula Litalicca yakumulomo kwiinda mukubelesya jwi, zyitondezyo akukwabalana abeebelezya.

### **ZYIBELESYO ZYAKUYIISIZYA ZYIMWI**

- Bbuku lyakubelesya kuyiisya, manila amapepa amwi biyo.
- Bayi balaangulukide kubelesya azyimwi zyibelesyo zyeendelana aciiyo.

### **CILANGILWA CEELEDE**

- Litalicca yakumulomo yatondezyegwa buluzi.

### **MULIMO**

- Bayi bape cakucita kweendelanya aciiyo cayiigwa.

### **CAKUCITA 3: Kwaapaula misyobo ya litilicca yakumulomo**

#### **MWIIYI**

- Gwasyilizya basicikolo kutondezya misyobo ya Litilicca yakumulomo.
- Tondezya basicikolo tubunga twamisyobo ya Litilicca yakumulomo.

#### **BASICIKOLO.**

- Babikke misyobo ya Litilicca yakumulomo mutubunga ntubatondezyegwa abayi.

#### **LUZYIBO KUMWIIYI**

##### **1. ZYAANO**

- a. Zyaano ziyipandulula matalikilo aazyintu zyimwi mwalo tuleza amituni mozyibelesyedwe kutondezya nguzu abulemu.
- b. Zyaano zylalumbaizya akutembaula basyaabupampu bacisi muzyibeela zyiimpene-impene.
- c. Zyaano zyaaninwa bantu banji ziyatikizya bantu naaba zyilengwaleza zyimwi zyalo ziyikomaninsya akupa lulayo mubuponi bwabantu. Eezyi zyaaninwa kapati kubana bakkede mumbali aacikko.
- d. Zyaano zylamfwu ziyatikizya mpuwo yabantu azyintu ziyipati ziyakacitika azyimwi zyilenge ziyigambya.

##### **2. ZYEEMO**

- a. Zyeemo ziyifwaafwi zytondezya muntu mbwalimvwide ambwayeeya zyicitwa kwiinda mukulizya kankobela azyibelesyo zyimwi.
- b. Nciimbo cijisi caano cifwaafwi.
- c. Zyeemo nzyakulumbaizya (muntu, cintu cagwasya buleya) azyimwi.

##### **3. MISYOBO IMBI YABWAAPAUZI.**

- a. Tusimpi/ Twaambyo/ Tusimyo –ntwaambo twabusongo tujisi lulayo lwakansiya-nsiya lusingidwe.
- b. Tulabi – ntwambo tuyanda bwiinguzi bwabusongo. Tulakonzya kubelesyegwa kukkomaninsya, kuyiisya akusimya mizeezo.
- c. Nyimbo –majwi aakutembaula, kwaambilila, kulumbaizya, kuyumya-yumya kuumbulizya azyimwi.
- d. Kwaambilila – majwi aakulomba lugwasyo kuli Leza kwiinda mumizimo.

#### **ZYIBELESYO ZYAKUYIISIZYA ZYIMWI**

- Bbuku lyakubelesya kuyiisya, manila, zyibelesyo ziyakwiimba akuzyana azyimwi.

## CILANGILWA KUCITWA

- Misyobo ya Liliticca yakumulomo yaapaulwa buluzi.

## MULIMO

- Basicikolo baimbe, beeme nokuba kwaana.
- Basicikolo bakayobolole twaambyo.

## **CAKUCITA 4: Kulongolola bube bwa liliticca yakumulomo**

### MWIIYI

- Pa mukozyanyo wabube bwa Liliticca yakumulomo omwe.
- Ambila basicikolo kupa aimwi.
- Gwasyilizya kululamika bwiinguzi bwapa basicikolo.

### BASICIKOLO

- Batole lubazu kupa bube bwa Liliticca yakumulomo.

### LUZYIBO KUMWIIYI

- Liliticca yakumulomo ilakobelwa akumwaigwa amajwi kuleka bulembo.
- Liliticca yakumulomo ili mumicito kuleka kwaambwa buyo. Eeci cilacitwa kwiinda mukwiimba akuzyana, kutondaika, zyakusama akukwabalana abasikweebelezya.
- Ilacina-cinca akwiibilizya.
- Liliticca yakumulomo ijanwa muzyooko zyabantu mwalo moitondezya buponi bwabo, nzyobasyoma, nzyobacita, caano cabuponi bwabo abweendelezi akati kabo.
- Njenzila yakukobelega akumwaya tunsiyansiya twabantu.

### ZYIBELESYO ZYAKUYIISIZYA ZYIMWI

- Bbuku lyakubelesya, manila azyimwi kweendelanya aciiyo ankomubede.

### CILANGILWA CEELEDE

- Bube bwa Liliticca yakumulomo bwalongololwa bweelede.

## MULIMO

- Basicikolo balembe mulimo kweendelanya aciiyo.

## **CAKUCITA 5: Kusansulula liliticca yakumulomo.**

### MWIIYI



- Ambila basicikolo kupa busansuluzi bwa Litalicca yakumulomo.
- Gwasyilizya basicikolo kululamika busansuluzi bwabo.

#### BASICIKOLO

- Bape busansuluzi bwa Litalicca yakumulomo kweendelanya amalailile aabayi.

#### LUZYIBO KUMWIIYI

- Litalicca yakumulomo ilacitwa mumajwi kwiinda mukwaambaula, kwiimba, kwaana, kulabika, kweema, kwaambilila, kusobana azyimwi biyo.

#### ZYIBELESYO ZYAKUYIISIZYA ZYIMWI

- Bbuku lyakubelesya kuyiisya azyibelesyo zyimwi biyo zyijanika kucibaka nkomubede.

#### CILANGILWA CEELEDE

- Litalicca yakumulomo yasansululwa bweelede.

#### MULIMO

- Basicikolo babambe kasobano kakwaambilila.
- Bayi bape mulimo kweendelanya aciiyo.

## **MUTWE MUSYOONTO 2: LITILICCA IILEMBEDWE.**

### NTALISYO

Litilicca iilembedwe yaamba luziyibo lusimbidwe lwalo lutondezwa buponi bwabantu. Ijaticizya mabbuku, zyaano, zyeemo, milaso, zysisobano azyimwi. Aboobo mucibeela eeci tulalanganya Litilicca iilembedwe ncoyaamba, mboilizyibya, misyobo yanjiyo abube bwayo.

### CEELEDE KUCITWA

- Kubandika Litilicca iilembedwe.

### **CAKUCITA 1: Kupandulula litilicca iilembedwe.**

### MWIIYI

- Ambila basicikolo bapandulule Litilicca iilembedwe ncoyaamba.
- Gwasyilizya basicikolo kululamika bupanduluzi mbubapa.

### BASICIKOLO

- Bapandulule Litilicca iilembedwe ncoyaamba.

### LUZYIBO KUBAYI

- Litilicca iilembedwe yaamba luziyibo lusimbidwe lwalo lutondezwa buponi bwabantu. Ijaticizya mabbuku, zyaano, zyeemo, milaso, zysisobano azyimwi.

### ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, manila aamwi malembe aamba Litilicca iilembedwe.

### CILANGILWA CEELEDE

- Litolicca iilembedwe yapandululwa cikkutya.

MULIMO.

- Basicikolo balembe bupanduluzi bwabo bwa Litolicca iilembedwe.

## **CAKUCITA 2: Kutondezya litolicca iilembedwe.**

MWIIYI.

- Sololela basicikolo mukutondezya Litolicca iilembedwe.

BASICIKOLO

- Batondezye Litolicca iilembedwe munzila yiinda kuli yomwe.

LUZYIBO KUMWIIYI

- Litolicca iilembedwe ibelesya bulembo kumwaya akuyobola luzyibo kwiinda mumabbuku, miteende, mafooni azyimwi. Eeci cipa kuti Litolicca iilembedwe kiikkala kwaciindi cilamfwu akumwaigwa kule kwiinda Litolicca yakumulomo.

ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, mapepa aalembedwe azyimwi.

CILANGILWA CEELEDE:

- Litolicca iilembedwe yatondezyegwa bweelede.

MULIMO

- Basicikolo batondezye akulemba misyobo ya Litolicca iilembedwe.

## **CAKUCITA 3: Kwaapaula misyobo ya litolicca iilembedwe.**

MWIIYI

- Sololela basicikolo kwaapaula misyobo ya Litolicca iilembedwe.
- Gwasyilizya basicikolo kubona kuti bwaapauzi bwacitwa bweelede.

BASICIKOLO

- Baapaule misyobo ya Litolicca iilembedwe.

LUZYIBO KUMWIIYI

### 1. ZYAKULENGELEZYA

- a. Tubbuku- zyaano zyilembedwe mubulamfwu kujatikizya buponi bwabantu.
- b. Twaano tufwaafwi – mbuponi bulembedwe mucimo cacaano mubufwaafwi kuyiisya bukkale.
- c. *Novela* – zyaano zyilembedwe zyili akati-kati ka twaano tufwaafwi atubbuku ziyiisya bukkale.

- d. Zyeemo – ooyu musyobo ubelesya mulaka kuzubulula mizeezo, kulimvwa abuponi bwabantu.
- e. Zyisobano – nzyisobano zyilembelwa kuti zyxisobanwe abbumbili kwiinda mumubandi amicito. Inga kazyili zyaano zyuusisya antela zyikkomaninsya.

## 2. ZYAMASIMPE

- a. Milaso – Oobu mbulembo bufwaafwi bupandulula mizeezo imwi.
- b. Caano cabuponi bwamuntu – ooyu mulimo wabuponi bwamuntu uulembwa abantu bambi kujatikizya buumi bwakwe azyintu nzyaakacita mubuponi bwakwe.
- c. Caano camulembi lwakwe – eeci ncaano cilembwa amulembi lwakwe caamba buumi bwakwe.
- d. Caano catunsiya-nsiya – oobu mbulembo bupandulula zyintu ziyijisi bumboni zyakacitika.
- e. Malembo aabunsengwe – aaya malembo aajatikizya zyintu zyakavwuntauzyigwa abasyaabupambu.

## ZYIBELESYO ZYAKUYIISIZYA

- Bbuku lyakubelesya, manila azyimwi bayi nzyobakonzya kubelesya.

## CILANGILWA CEELEDE.

- Litolicca iilembedwe yaapaulwa bweelede.

## MULIMO

- Basicikolo balembe caano cabuumi bwabo.

## **CAKUTICA 3: Kulongolola bube bwa litilicca iilembedwe.**

### MWIIYI.

- Sololela basicikolo kulongolola bube bwa Litolicca iilembedwe.
- Gwasyilizya basicikolo kutegwa mubandi weende kabotu.

### BASICIKOLO

- Balongolole bube bwa Litolicca iilembedwe.

### LUZYIBO KUMWIIYI

- Litolicca iilembedwe ilisimbidwe acibaka cimwi (bbuku, muteende, kubwaanda ...).
- Taicinci.
- Iilembedwe cakukkalikila.

## ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, manila, malembe aajisi misyobo ya Litalicca iilembedwe.
- Bayi babelesye azyimwi zyibelesyo zyeendelana aciiyo.

#### CILANGILWA CEELEDE:

- Bube bwa Litalicca iilembedwe bwalongololwa bweelede.

#### MULIMO

- Basicikolo bakavwuntauzye bube bwa Litalicca iilembedwe bwataambwa

### **MUTWE MUSYOONTO 3: LWIINDANO AKUKOZYANYA KULIKO AKATI KA LITILICCA YAKUMULOMO AILEMBEDWE.**

NTALISYO.

Litilicca ili mumisyobo yobilo; yakumulomo ailembedwe. Aboobo, mucibeela eeci tulalanganya lwiindano akukozyanya kuliko akati ka Litilicca yakumulomo ailembedwe.

CEELEDE KUCITWA:

- Kukozyanya akwiindanya Litilicca yakumulomo ailembedwe.

### **CAKUCITA 1. Kundandamika kukozyanya kuliko akati ka Litilicca yakumulomo ailembedwe.**

MWIIYI

- Ambila sicikolo omwe kuti ape kaano, amana umbi abale cilembedwe.
- Ambila basicikolo kuti bape lwiindano kuliko kuzwa kukaano kaanwa alimwi acabalwa.

BASICIKOLO

- Basicikolo bape kukozyanya kuliko kuzwa kukaano kaanwa alimwi acabalwa.

LUZYIBO KUMWIIYI.

KUKOZYANYA.

- **Zyoonse zyobilo** zyilaibilizya kumuntu oonse.
- Zyilapa lwiiyo lwabukkale bubotu.
- zyjisi muzeezo wakukwabilila akusumpula bukkale bwabantu kwiinda mukuyiisya alimwi kukkomanisya bantu.
- Zyilayaka akugwasya bantu kubelekela antoomwe alimwi akugwasyanya.
- Zyilagwasya kuyobola tumsiya nsiya azyilengwa zyabukkale bubotu.
- Zyilagwasya kusumpula maumi aabantu.

- Zyilabelesesegwa abasyaabupambu antela basengwesengwe nobafwula zyiimbo antela zyeemo.
- Zyilagwasilizya kwaabana tunsiya nsiya alimwi abukkale bwabantu mumanyika aambi.
- Zyilagwasya kusensemuna bana maleya kuzyintu zyicitika mumasena motukkala. Mbuli mazabuba aakavwumbuka bulwazi bwacincenya (Covid 19).
- Zyilanganya buponi bwamuzyooko motukkala.

#### ZYIBELESYO ZYAKUYIISIZYA ZYIMWI.

- Bbuku lyabayi, manila, zyalamatizya, zyilembyo azyimwi zyibelesyo nzyobakonzya kujana bayi.

#### CILANGILWA CEELEDE.

- Kukozyanya kuliko akati ka Litalicca yakumulomo ailembedwe kwandandamikwa bweelede.

#### MULIMO.

- Basicikolo bakavwuntauzye kukozyanya kumbi kwataambwa kuliko akati ka Litalicca yakumulomo ailembedwe.
- Bayi balaangulukide kupa mulimo weendelana aciiyo.

#### **CAKUCITA 2: Kundandamika lwiindano luliko akati ka litalicca yakumulomo ailembedwe.**

#### LUZYIBO KUMWIIYI.

#### LWIINDANO LULIKO.

- Litalicca yakumulomo ibelesya mulomo kumwaya twaambo mbuli kwaana, kwiimba, kweema azyimwi, kakuli iilembedwe ibelesya mabala asimbidwe mbuli mabbuku, miteende azyimwi.
- Litalicca yakumulomo taisakani nkaambo sikwaana ukananina biyo kakamu kabantu basyoonto, kakuli iilembedwe ilakonzya kusika mumasena aali kule.

- Liliticca yakumulomo inga mpoona aawo muntu uuswiilila ulalitondezya mbwaalimvwa kuli Sikwaana, mwiiimbi azyimwi, kakuli iilembedwe wakalemba takonzyi kuzyiba mubali mbwaalimvwa naamana kubala.
- Yakumulomo ilakonzya kucinca akaambo kakuti muntu waana ulakozya kuyungizya naa kugusya kutegwa cinoneenzye ncaamba, kakuli iilembedwe taicinci.
- Yakumulomo, uuswiilizya ulakonzya kuwentuzya akuyakucaana bumbi caano, kakuli iilembedwe ilacaala mbubwenya.
- Liliticca yakumulomo, Sikwaana ulalitondezya kusinizya kutwaambo tumwi alimwi ambwalitondezya mubili wakwe, kakuli Sikubala, inga taazyiba mulembi mbwaakali kulitondezya ciindi naakali kulemba.

#### ZYIBELESYO ZYIMWI.

- Bbuku lyakubelesya kuyiisya, manila, mapepa, mabbuku amwi aasimbidwe azyimwi biyo.

CILANGILWA CEELEDE: Lwiindano akati ka Liliticca yakumulomo ailembedwe lwandandamikwa bweelede.

#### MULIMO.

- Basicikolo balembe twaambo tutondezya lwiindano luliko akati ka Liliticca yakumulomo ailembedwe.
- Bayi balaangulukide kupa mulimo kweendelanya aciiyo cayiigwa

#### **CAKUCITA 3: Kusumpula bubotu bwa liliticca yakumulomo ailembedwe.**

#### MWIIYI.

- Ambila basicikolo kwaabana zyaano atulabi zyicitika muminzi mobakkala.
- Ambila basicikolo kuti babandike akulemba bobotu bwa liliticca yakumulomo ailembedwe.
- Gwasyilizya basicikolo kutegwa mubandi weende kabotu.

#### BASICIKOLO.

- Basicikolo baabane zyaano atulabi zyicitika muminzi mobakkala.
- Babandike akulemba bubotu bwa Liliticca
- Bakwabilile akuzuminana kubwiinguzi mbubajana.



## LUZYIBO KUMWIIYI

- Kukwabilila tunsiya-nsiya twacisi.
- Kukulwaizya buponi bwamuntu.
- Kuyiisya bukkale bubotu.
- Kuyiisya busongo.
- Kuyiisya buumi bwakuliponena.
- Kugwasya bantu kuyeeya cabusongo.
- Nzila yakulikkomaninsya.
- Ileta kumvwana mukusobana mubweenzyinyina.
- Igwasya kumana buumba.
- Ilakulwaizya kuzwa mumasukusyo.
- Kuyiisya akukwabilila buponi bwansiku.

CILANGILWA CEELEDE: Bubotu bwa Litalicca yakumulomo alimwi ailembebe  
bwasumpulwa cikikutya.

## MULIMO.

- Basicikolo bavwuntauzye akulemba bubotu bwa Litalicca yakumulomo ailembedwe.

## KUMANINZYA.

- Mucibeela eeci, twalanganya lwiindano akukonzyanya kuliko akati ka Litalicca yakumulomo ailembedwe.

### **MUTWE 3: MILIMO YA LITILICCA.**

#### NTALISYO

Litilicca yakumulomo ilagwasya kapati mubuumi bwamuntu oonse munzila zyinji. Muzyaano zyakwaaninwa tujana lwiiyo lwabuponi bubotu kumuntu, kapati tulaiya mbuli bukkale bwakaindi mbobwakabede, tumsiya nsiya mbotutugwasya akutupa luzyibo muzyintu zyinji mbuli bbelekelaamwi mboligwasya muzyooko motukkala akusumpula bukkale bwabantu, kwiinda mukweema, atwiimbo twiibilizya, akumana nceya alimwi akutuletela mizeezo mibotu iitonkomene. Mbubonya biyo ayalo Litilicca iilembedwe ilatupa busongo bwakupona akuzyiba bukkale bwabantu mumanyika aazyisi zyimbi. Ilatuyiisya kugwasyanya alimwi akuzyibana buntususu.

#### CIKWELELEZYA KUCIYO.

- Sena kwiimba, kweema, kuyabila akubala mabbuku kulakonzya kucinca bumi bwa muntu?

#### MABALA MAPATI –PATI

- Nceya
- Buntususu
- Bunsengwe-nsengwe

### **MUTWE MUSYOONTO: MILIMO YA LITILICCA YAKUMULOMO.**

#### NTALISYO

Litilicca yakumulomo iipegwa kumisela iicizya kubelesya mulomo mpande ninzila mbotu iigwasyilizya kapati kubamba bukkale abube bwamuntu amuzyooko mwakkala. Kuzwa

kutwaano, tusimpi azyiimbo, Liliticca yakumulomo ncibelesyo cibotu cijisi mulimo wakukwabana mutwaambo, kuyiisya akukobelega tumsiya-nsiya. Aboobo mucibeela eeci, tulalanganya milimo ya Liliticca yakumulomo.

CEELEDE KUCITWA.

- Kulongolola milimo ya Liliticca yakumulomo

**CAKUCITA 1: Kundandamika milimo ya liliticca yakumulomo.**

MWIIYI.

- Sololela basicikolo kundandamika milimo ya Liliticca yakumulomo.
- Gwasyilizya kubona kuti mulimo wacitwa bweelede.

BASICIKOLO

- Bandandamike milimo ya Liliticca yakumulomo.

LUZYIBO KUMWIIYI

- Kukwabilila tumsiya-nsiya twacisi.
- Kukulwaizya buponi bwamuntu.
- Kuyiisya bukkale bubotu.
- Kuyiisya busongo.
- Kuyiisya buumi bwakuliponena.
- Kugwasya bantu kuyeeya cabusongo.
- Nzila yakulikkomaninsya.
- Ileta kumwana mukusobana mubweenzyinyina.
- Igwasya kumana buumba.
- Ilakulwaizya kuzwa mumasukusyo.
- Kuyiisya akukwabilila buponi bwansiku.

ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, manila azyimwi zyibelesyo ziyjanika kubusena ooko nkomubede.

CILANGILWA CEELEDE

- Milimo ya Litalicca yakumulomo yandandamikwa bweelede.

#### MULIMO

- Basicikolo balembe mbobazyibelesya zyiimbo muzyooko mobakkala.
- Bayi balaangulukide kupa milimo imbi kweendelanya aciiyo cayiigwa.

#### **CAKUCITA 2. Kusansulula milimo ya Litalicca yakumulomo.**

#### MWIIYI

- Sololela basicikolo kusansulula milimo ya Litalicca yakumulomo.

#### BASICIKOLO.

- Basansulule milimo ya Litalicca yakumulomo.

#### LUZYIBO KUMWIIYI

- Kukwabilila zyiyo zyakaindi abukkale – Litalicca yakumulomo ilagwasya kubambilila lwiiyo lwansiku, bukkale atunsiya-nsiya twamuzyooko motukkala. Kwiinda mutwaano, nyimbo akweema, Litalicca wakumulomo ninzila iibelesegwa kumwaya twaambo tujatikizya bukkale bwakaindi, bubotu bwatwaambo atunsiya-nsiya.
- Lwiiyo akukkalaamwi – Litalicca yakumulomo ilabeleka mulimo mupati wakuyiisya akuswaanganya basimukobonyina. Iyiisya zyiyo zyibotu ziyatikizya kulilemeka bukkale, atunsiya-nsiya, ezyo ziywasilizya kubambilila buzyale bwamuntu munyika yoonse mboizulwa.
- Kulikkomaninsya – Litalicca yakumulomo mbuli nyimbo akuzyana zyilaleta bantu antoomwe akubapa kukkomana mbuli babunyina. Twaano akweema zyilakkomaninsya bantu munzila zyiimpene-impene.
- Kukwabana mutwaambo akwaana – Ninzila yaandeene yakukwabana abana maleya akubazuminzya kwaabana maumi ngobapona, mizeezo ambobalimvwa.
- Kuyeeya cabusongo – Ilagwasya bana kuyeeya cabusongo kwiinda mukuswiilila zyiimbo, zyeemo azyaano.
- Kumana buumba – Ilagwasya kumana buumba. Nokuba kuti walimvwa kupenga, ulakonzya kumvwa kabotu kufwumbwa kuti waswiilila kunyimbo zyibotu azyiyabilo.

#### ZYIBELESYO ZYAKUYIISYIZYA ZYIMWI

- Bbuku lyakubelesya kuyiisya, manila, mapepa aasimbidwe bulembo bwa Litalicca ya kumulomo.
- **Bayi balaangulukide kubelesya zyibelesyo zyimbi zyeendelana aciiyo.**

CILANGILWA CEELEDE:

- Milimo ya Litalicca yakumulomo yasansululwa buzulide.

MULIMO

- Basicikolo basansulule milimo imbi ya Litalicca yakumulomo yatasansulwa.
- Bayi bape mulimo kweendelanya aciiyo cayiigwa.

**CAKUCITA 3: kwiiminina bupanduluzi bwamilimo ya litalicca yakumulomo.**

MWIIYI

- Sololela basicikolo kuti bape bwiiminizi kubusansuluzi mbubapa bwa milimo ya litalicca yakumulomo.
- Gwasylizya kubona kuti mubandi weenda bweelede.

BASICIKOLO

- Baiminine busansuluzi mbubapa bwa milimo ya Litalicca yakumulomo.

LUZYIBO KUMWIIYI.

- Bayi babelesye bupanduluzi bwapa basicikolo kumubandi wakwiiminina bupanduluzi bwabo.

CILANGILWA CEELEDE:

- Milimo ya Litalicca yakumulomo yaimininwa cikikutwa.

MULIMO

- Basicikolo bazumanikane(debate) kujatikizya mutwe wapegwa azya milimo ya Liliticca yakumulomo.

**CAKUCITA 4: Kusansulula milimo ya liliticca yakumulomo mboigwasya kulanganya twaambo tuguma maumi aabana maleya (makulo, kucinca kwakuunga kwa muwo, makwebo azyimwi.**

MWIIYI

- Sololela basicikolo mumubandi wakusansulula Liliticca yakumulomo mboigwasya kulanganya twaambo tuguma maumi aabantu.

BASICIKOLO.

- Basansulule Liliticca yakumulomo mboigwasya kulanganya twaambo tuguma maumi aabantu.

LUZYIBO KUMWIIYI

- Kubelesya Liliticca yakumulomo kwiinda munyimbo, zyeemo azyisobano, milumbe ilamwaigwa kubana maleya kujatikizya zyintu zyicitika mucisi mbuli bubu bwakuula makulo, kugonka zysisamu, kulwana akati kabana bukwatenye azyimwi.
- Zylakulwaizya bantu kapati bakubusi abamakaintu kuti kabaliiminina mumakwebo akusumpula maumi aabo.

ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, zyifwanikiso, manila amabbuku aamwi aalembedwe ziyatikizya Liliticca.

CILANGILWA CEELEDE:

- Kubelesya Liliticca yakumulomo kulanganya twaambo tuguma maumi aabana maleya kwasansululwa cikikutwa.

MULIMO

- Basicikolo basansulule Liliticca yakumulomo mboigwasya kulanganya zyintu ziyiguma maumi aabana maleya.

## **MUTWE MUSYOONTO 2: Litolicca iilembedwe.**

### NTALISYO

Mucibeela eeci tulalanganya milimo ya Litolicca iilembedwe, kundandamika, kusansulula akwiininina busansuluzi bwa Litolicca iilembedwe.

CEELEDE KUCITWA: Kulongolola milimo ya Litolicca iilembedwe.

### **CAKUCITA 1: Kundandamika milimo ya litilicca yakumulomo.**

#### MWIIYI

- Sololela basicikolo kundandamika milimo ya Litolicca iilembedwe.

#### BASICIKOLO

- Bandandamike milimo ya Litolicca iilembedwe.

#### LUZYIBO KUMWIIYI

- Kulikkomanisya
- Lwiiyo aluziyibo
- Kukwabilila tunsiya-nsiya
- Kubambulula buumi abukkale
- Kusumpula mulaka

#### ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, manila, mapepa aajisi bulembo bwa Litolicca azyimwi.

#### CILANGILWA

- Milimo ya Litolicca iilembedwe yandandamikwa bweelede.

#### MULIMO

- Basicikolo bakalembe milimo imbi ya Litolicca iilembedwe yataambwa.
- Bayi bape mulimo kweendelanya aciiyo.

### **CAKUCITA 2: Kusansulula milimo ya litilicca iilembedwe.**

#### MWIIYI

- Sololela basicikolo kusansulula milimo ya Litolicca iilembedwe.

- Gwasyilizya basicikolo kubona kuti mubandi weenda kabotu.

#### BASICIKOLO

- Basansulule milimo ya Litalicca iilembedwe.

#### LUZYIBO KUMWIIYI

- Kulikkomaninsya- itugwasya kusika mumasi- masi kwiinda mukubala mabbuku. Notubala zyaano zyiibilizya, tulalimvwa kukkomana. Ilatupa kukkomana akuubaubilwa.
- Lwiiyo aluziyibo – ncibelesyo cilaanguzu mulwiiyo lwabana. Ilakonzya kutuyiisya bukkale bwakaindi, tunsiya-nsiya, amaumi aabantu. Ilatugwasya kuzyiba nyika abantu.
- Kukwabilila tunsiya-nsiya – ninzila yakukwabilila tunsiya-nsiya akuyiisya bantu bukkale amilawo yakaindi iigwasya kubambulula maumi eesu.
- Kubambulula buumi abukkale – Ilagwasya kuzyibya bantu twaambo tugwasya akulesya kutundululwa kwabantu kutegwa bakkale mubunyina. Ilagwasya kwaambila bantu batakonzyi kulyaambilila ciindi nobatundululwa.
- Kusumpula mulaka – kubala kulagwasya kwiiya mabala manji akuzwidilila kwaambaula buluzi. Ilagwasya babala kubaa busongo bwakumvwisisiya zyilembedwe.

#### ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, manila, mabbuku aamwi.
- Bayi inga babelesya kufwumbwa zyibelesyo zyelela.

#### CILANGILWA CEELEDE:

- Milimo ya Litalicca iilembedwe yasansululwa buzulide.

#### MULIMO

- Basicikolo basansulule milimo iimbi ya Litalicca iilembedwe mumabbuku aabo.
- Bayi bape mulimo kweendelanya aciiyo.

#### **CAKUCITA 3: Kwiiminina milimo ya litalicca iilembedwe.**

#### MWIIYI

- Sololela basicikolo bape bwiiminizi bwa milimo ya Litalicca iilembedwe mbubapa.



- Gwasyilizya basicikolo kuti mubandi weende kabotu.

#### BASICIKOLO

- Bape bwiiminizi bwa milimo ya Litalicca iilembedwe njibapa.

#### LUZYIBO KUMWIIYI

- Kukwabilila akubaa luzyibo luyandika – kulemba kulagwasya kubambilila milumbe iiyandika kwamyaka amyaka. Zyilembedwe mumabbuku zyilakkala myaka amyaka cakunga bana batanazyalwa bayakuzyijana akuzyibala.
- Kusumpula kukwabana akumvwisisisya – ilagwasya kumwaya milumbe mumasi – masi kwiinda mumiteende akasabwi. Babala balamvwisisisya akucita ceelede. Basyaabupampu mbuli basilisi, basimilawo abamanjimela balabala mabbuku kutegwa milimo yabo yeende bweelede.
- Kubala cabusongo – kubala kulapa muntu kuyeeya cabusongo kutegwa atobebe malailile aalembedwe.
- Kugwasyilizya bukkale bubotu atunzanyu – ilagwasya bantu kujana milumbe yeelede mukubala. Mukubala, bantu balakonzya kuzyiba kuti bulelo bwacisi mbubi naa mbubotu. Eeci cilabatonkelezya kuti bazyibe cakucita mbuli basicisi.

#### ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, mabbuku aamwi ajisi malembe aajatikizya bukkale atunzanyu.
- Bayi babelesye kufwumbwa cilebelesyo ceelela ciiyo.

#### CILANGILWA CEELEDE:

- Milimo ya Litalicca iilembedwe yaimininwa cikikutwa.

#### MULIMO

- Balembe milimo ya Litalicca iilembedwe mboigwasya mubuponi bwabantu.
- Bayi bape mulimo kweendelanya aciiyo.

**CAKUCITA 4: Kutondezya milimo ya Litalicca iilembedwe mboilanganya zyintu zyguma maumi aabantu (makulo, kucinca kwakuunga kwamuwo, makwebo ...)**

## MWIIYI

- Buzya basicikolo mapenzi aalwana bantu mubunji muzyooko mobakkala.
- Ambila basicikolo baambe nzila nzyobabelesya bantu kubamba mapenzi aabalwana.
- Gwasyilizya basicikolo mumubandi uutondezya mbuli Litalicca iilembedwe mboigwasya kulanganya zyintu zyguma maumi aabantu.

## BASICIKOLO

- Batondezye mapenzi aalwana bantu mubunji muzyooko mobakkala.
- Baambe nzila nzyobabelesya bantu kubamba mapenzi aabalwana.
- Batondezye mbuli Litalicca iilembedwe mboigwasya kulanganya zyintu zyguma maumi aabantu.

## LUZYIBO KUMWIIYI

- Litalicca iilembedwe ilakonzya kuba cibelesyo cakubambilila twaambo tuguma bantu amaumi aabo munzila zyinji.
- Kucenjezya akuteelela: Litalicca ilakonzya kuleta mumuni kutwaambo tuguma bantu amaumi aabo tukatazya, mbuli kuteelana kwabamaalumi abamakaintu, kusofwaala kwamasena mukkalwa naaba kotalanganya twaambo bululeme kwiinda mukutubikka munzila yakutola lubazu mukutubamba. Zyaano azyeemo zyilakonzya kuleta lweetelelo akukulwaizya kuyeeyesya kujatikizya twaambo ootu.
- Kusumpula mubandi akukanazyanya: Litalicca ilakonzya kubeleka mbuli matalikilo aamibandi mukukanazyanya kujatikizya twaambo tuguma bantu amaumi aabo.
- Kukwelelezya micito akucinca: Ilakonzya kukulwaizya muntu cigaminina abantu muzyooko mobakkala kubweza ntaamu mutwaambo tuguma bantu amaumi aabo.

## ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, zyifwanikiso, miteende amabbuku amwi aajisi twaambo tuguma maumi aabantu.

## CILANGILWA CEELEDE:

- Kubelesya Litalicca iilembedwe mukulanganya twaambo tuguma maumi aabantu kwatondezyegwa cikikutwa.

## MULIMO

- Tondezya basicikolo misyobo yiindine-indene yatwaambo tuguma maumi aabantu kwiinda mukubapa miteende kutondezya zyiipekupeku wamana ubape mulimo kulemba nzyibabona.
- Ambila basicikolo kusobana zyiisobano ziyijisi twaambo tuguma bantu mumaumi aabo.

## **CAKUCITA 5: Kupandulula milimo ya Litalicca iilembedwe mboikonzya kwaangulula kudyaamininwa kwa mizeezo abamuzwakule.**

### MWIIYI

- Sololela basicikolo mumubandi wakupandulula Litalicca iilembedwe mboikonzya kwaangulula kudyaamininwa kwa mizeezo abamuzwa kule.

### BASICIKOLO

- Bapandulule Litalicca iilembedwe mboikonzya kwaangulula kudyaamininwa kwa mizeezo abamuzwa kule.

### LUZYIBO KUMWIIYI

- Litalicca iilembedwe mumilaka yacintucisiya ilakonzya kutankanya mizeezo yabulembo bwa bamuzwa kule.
- Litalicca itujosya nkotuzulilwa mubuntu bwesu akutupa nguzu zyakukonzya kuleka kudyaamininwa kwamizeezo yesu.
- Ilagwasya kusilika zyilonda zyamizeezo kuzwa mukudyaamininwa aabamuzwa kule akukomenzya kulisumpula mukuliyaamika kulubazu nkotuzulilwa.
- Ilaiminina bubotu bwabuponi bwesu kumuntu oonse uubala mabbuku aalembedwe mumilaka yacintu cisiya.
- Ilagwasya kutondezya bantu zyintu zyini zyicitika ancozyicitikila boobo muzyilengwa zyesu zyina Afulika.
- Ilagwasya kuyubulula ziyianza, milaka, tunsiya- nsiya azyilengwa zyimwi zyakayabaanide muciiindi cabulelo bwabamuzwa kule.

- Ilagwasya kulwana mizeezo yabamuzwa kule mubweendelezi bwabuvwubi, tunzanyu amutunsiya-nsiya akubeleka canguzu kuti bantu basiya bacikonzye kwaanguluka kuliiminina kuli zyoonse nzyobacita mumaumi aabo.
- Ilagwasya kujula mizeezo yakuzyiba ncotukonzya kulicitila, zyintu zytuzubulula mbotubede akutola lubazu luzwide kubamba zyintu mbotuyanda kuti zyikeende kumbele aamazuba mubukkale bwesu bwacisi.

#### ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, miteende amabbuku aamwi aajisi bulembo bwa Litalicca iilembedwe.
- Bay balaangulukide kubelesya zyibelesyo zyimwi zyeendelana aciiyo.

#### CILANGILWA CEELEDE:

- Milimo ya Litalicca iilembedwe mukwaangulula mizeezo kuzwa kukudyaaminiwa abamuzwa kule kwasansululwa bweelede.

#### MULIMO

- Bakavwuntauzye Litalicca iilembedwe mboikonzya kugwasya kwaangulula mizeezo kuzwa kukudyaamininwa abamuzwa kule.
- Bayi bape mulimo kweendelanya aciiyo.

## **MUTWE 4: LITILICCA YAKUMULOMO.**

### NTALISYO

Litilicca yakumulomo ijatikizya cibaka cipati naa cibeela camusyobo wa zyaano, nyimbo, zyeemo, twaambyo, tulabi amaambilambali azyimwi zyacaala zyikananwa biya naa kwiimbwa kubelesya jwi lya mulomo. Eeyi Litilicca ijatikizya zyiga naa zyibeela zyatunsiya nsiya tunjaanji zikwelelezya kulimvwa kwesu. Aboobo, mucibeela eeci tulalanganya matalikilo aamilimo ya Litilicca mutunsiya-nsiya (Litilicca yakumulomo ailembedwe).

### CIKWELELEZYA KUCIYO.

- Mbututi zyintu zyicitika muzyooko motukkala mbozyitonkelezya bantu kuti balembe mabbuku, zyaano akwaanza zyeemo nokuba ziyabilo?

### MABALA MAPATI-PATI.

- Muyuwa
- Namalwa
- Tulumbu
- Tunyonamulaka
- Mangwinini

## **MUTWE MUSYOONTO 1: Matalikilo aamilimo ya Litilicca mutunsiya-nsiya (yakumulomo ailembedwe)**

### NTALISYO

Mucibeela eeci, tulalanganya matalikilo aamilimo ya Litilicca mutunsiya-nsiya mbuli nyimbo, twaambyo, zyaano azyimwi mbozyibeleka mumaumi aabantu. Tulalanganya milimo yantunsiya-nsiya mubuponi bwabantu, zyibelesyo (ngoma, tweembe, namalwa...) mbozyibelesyegwa mumilimo ya Litilicca mutunsiya-nsiya. Kutondezya mbuli milimo ya

Litilicca mutunsiya-nsiya kwiinda muzyiimbo, twaambyo, zyaano azyimwi mbozyizubulula luzyibo lwabukkale bwakaindi.

CEELEDE KUCITWA.

- Kubandika milimo ya Litilicca mutunsiya-nsiya.

MWIIYI.

- Sololela basicikolo kupa bupanduluzi bwamilimo yatunsiya-nsiya (zyiimbo, twaambyo, zyeemo ...).
- Ambila basicikolo kuti balanganye milimo ya Litilicca mutunsiya-nsiya. (Bamwi twaambyo, bamwi zyeemo, bamwi nyimbo azyimwi).

BASICIKOLO.

- Baimbe, beeme, baambe twaambyo ...
- Bayi bape mulimo kweendelanya aciiyo.

**CAKUCITA 1: Tondezya milimo ya Litilicca.**

Mbubonya mbuli mbotwamvwa kale atala aawa, kubelesege jwi lyamulomo kucibeela ca Litilicca eeyi pele kajjisi bebelezya naa baswiilizya.

Oobu bulembo bujisi tunsiya-nsiya twabusongo mbulembo bwamilimo yalo eeyo ilaabupampu, busongo naa bulemu bulaatunsiya-nsiya. Mikozyanyo imwi kunze kwayeeyo yaambwa atala yabulembo bujisi tunsiya-nsiya twa busongo njeeyi; mabbuku, zyeemo, zyaano zysisobano azyimwi biyo.

Ncintu ciyandisi kapati kuzyiba muciiimo bulembo oobu mbobubede mbuli buponi, tunsiya-nsiya naa zyakaindi. Eeci cijatikizya ciindi mulimo ulanganizyigwa nowakacitika, tunsiya-nsiya tuzungulukide mulimo ooyo, nzyotusyoma, kubusena nkocakacitikila, nzyobacita bantu kubusena ooko kujana cakulya amakani atunzanyu aciindi aawo. Naa waciteelela eeci, ulakonzya kuba abupanduluzi buzwide alimwi buzuunyene kujatikizya mulimo ngolanganya.

Milimo ya Litilicca isiminide mutunsiya-nsiya. Kuvwuntauzya mboibede inga yapa kweezyeezya kuli kabotu kujatikizya mulembi naa mwaambi ncaamba, ciindi a zyzumizidwe kweendelanya aciindi mbuli zitobela; ciindi ncocakacitika a cakapa kuti mulembi naa mwiimbi aanze mulimo wakwe, tunsiya nsiya twakakulwaizya mulimo kuti waanzwe a musemo. Buponi kweendelanya abantu mbobapona mbuli bacete a bavwubi, milimo ibelekwa a bamakaintu a

milimo ibelekwa a ba maalumi kuti naa ilaabuyambukizi nzi kweendelanya azyibeela naa lubazu ndobajisi bantu, azyimwi zyinji zyataambwa waawa.

Cayandika kuziba kuti eeyi milimo ilaabuyambukizi bupati kumaumi abantu alimwi ciindi milimo eeyi noicitwa, zyibesyo zyiindene-indene mbuli ngoma, tulumbu, miyuwa, banamalwa, tubiya, tunkobela azimwi zyataambwa waawa zyilakonzya kubelesegwa.

Atulanganye mikozyanyo imwi yabulembo naa milimo abubotu mboijisi.

#### **a. Nyimbo**

Nyimbo nzyiyandisi kapati mumaumi abantu alimwi zyilabeleka munzila nzyotutayeeyeli. Nyimbo zyilakanana kumyuuya yabantu. Zyilakonzya kubelesegwa mumadilwe kuumbulizya balila. Zyoona nyimbo zyilabelesegwa kulumbaizya Leza naa bantu bacita zyintu zyibotu. Nyimbo alimwi zyilabelesegwa mukulikkomanisya, mumicado a mumapobwe.

Nzyoonya nyimbo zyilabelesegwa akwiita mizimo kumalende amumwi munzila zyataambwa waawa.

#### **B. Twaambyo**

Twaambyo milimo imwi yabusongo ijisi bupanduluzi busisidwe. Twaambyo ntuyandisi kapati nkaambo tulaamulimo wakusindinganya caambwa naa ciimbwa munzila zyaandeene. Tulabesegeka mumasena aandeene mbuli mubuleli, muzikombelo amumwi. Atulanganye kaambyo katobela; 'Matako aali bubili taabuli kucumbana.' Aaka kaambyo takaambi matako kwaagama. Kabelesegeka biyo mbuli cibesyo kutegwa basindinganye caambwa. Aaka kaambyo kalakonzya kubelesegeka mubusololi kuleta lumuno akati kabantu bazwangana. Mboona mbuli matako mbwaacumbana nkaambo akkede antoomwe, abantu bakkalaamwi balacumbana pele ooku kucumbana takweelede kubaandaanya pe mboona mbuli matako mbwaataandaani acumbana. Twaambyo ntoona tulakonzya kubelesegeka mukuyiisya, kulaya, kucenjezya, kukulwaizya kubelekela antoomwe anzila zyimbi zyataambwa waawa.

#### **C. Zyaano**

Zyaano ncibeela cimwi ca milimo ya Litalicca cakali naa cileta bantu antoomwe. Zyaano zyili muzyibeela zyandeene-andeene pele zyoonse zyilaa zyiiyo zyiigwa. Kaindi bana bakali kukkala antoomwe masiku bamana kulalila abamanyinakulu naa bamasyaanyinakulu kwaaninwa zyaano zyandeene- andeene. Zyaano zilaanwa kuzwa kumusela omwe kuya

kumusela umbi. Ziyilayiisya kapati kujatikizya maumi abukkale bwabantu mumasena mobakkala. Tulakonzya kubelesya zibelesyo mbuli bantu naa banyama ciindi nokwaanwa.

#### **D. Kweema**

Ooyu ngoumwi wa yeeyo milimo ya Litalicca ilaabukwelelezi kapati alimwi ilakanana kabotu kabotu mumizeezo yesu. Kuli zyeemo zyaandeene-andeene kweendelanya a capa kuti umwi muntu aanze ceemo eeco. Mbubona mbuli nyimbo, kuli zyeemo zyakulumbaizya, zyabuumba, zyakutongooka a zyimwi. Ooyu mulimo ulakwelelezya bantu nkaambo ulaleta mabunga-mabunga abantu antoomwe ciindi balaazyemo nobeema.

- **Kuli aimwi milimo ya Litalicca mbuli mabbuku, ziyeekezyo, milaso, zyaano zyabuumi, zysisobano azyimwi.**

#### **ZYIBELESYO ZYAKUYIISIZYA ZYIMWI.**

- Zyibelesyo zyiimpene-impene zya Litalicca (ngoma, namalwa, muyuwa...), bbuku lyakubelesya kuyiisya, manila amalembe aamwi.

#### **CILANGILWA CEELEDE:**

- Milimo ya Litalicca mutunsiya-nsiya yatondezyegwa mubuzulide mboibeleda mubuponi.

#### **MULIMO.**

- Basicikolo bajane ciimbo antela caano akutondezya mbociswaangana abuponi bwabantu.

#### **CAKUCITA 2. Kulanga-langa cipa kuti muntu afwule zyiimbo, aanze zyeemo akulemba zyaano.**

#### **MWIIYI.**

- Buzya basicikolo twaambo tuguma maumi aabantu muzyooko mobazwa.
- Buzya basicikolo mbuli bantu mbobalilemeka ciindi nobagumwa atwaambo twiindene-indene muzyooko mobazwa.



- Tondezya basicikolo eezyi mbozyipa bamwi bantu kuti beeme, baimbe, balembe zyaano azyimwi.

#### BASICIKOLO.

- Bavwiile mibuzyo yabayi bweelede.

#### LUZYIBO KUMWIIYI.

- Zyilengwa zyimwi zyiletelezya kuti bantu baimbe, balembe zyaano akweema: Bulozzi, makulo, bwaamu, kukona, kudyaamininwa, bucete, bubbi, nzala azyimwi biyo.

#### ZYIBELEZYO ZYAKUYIISIZYA ZYIMWI.

- Bbuku lyakubelesya kuyiisya, miteende, amalembe aamwi biyo.
- Bayi balaangulukide kubelesya zyibelesyo zyeendelana aciiyo.

#### CILANGILWA CEELEDE:

- Zyilengwa zyipa kuti muntu afwule zyiimbo, aanze zyeemo akulemba zyaano zyalangwa-langwa cakusindinganya.

#### MULIMO.

- Basicikolo baanze zyeemo, kufwula zyiimbo akulemba zyaano kuzwa kuzyilengwa eezyi zytobela; bulozzi, makulo, bwaamu, kukona, kudyaamininwa, bucete, bubbi anzala.

#### **CAKUCITA 3: Kupandulula zyibelesyo zyakubeza, zyakuluka, zyakubumba mbozyigwasyilizya milimo ya Liliticca.**

#### MWIIYI

- Ambila basicikolo bupati bwazyibelesyo zya Liliticca.
- Buzya basicikolo zyibelesyo nzyobajisi muzyooko mobazwa.
- Buzya basicikolo zyibelesyo zyaambwa mbozyigwasyilizya kumilimo ya Liliticca.

#### BASICIKOLO

- Batole lubazu akupa bwiinguzi kumibuzyo yabayi.

## LUZYIBO KUMWIIYI

- Zyibotezya milimo ya Litalicca.
- Zyilagwasya balembi kulemba bwini kujatikizya caano nkocicitikila abaabo batola lubazu mucaano.
- Zyilagwasya kutondezya zyintu zyamumizeezo mbuli misemo naa kulimvwa kwamuntu.
- Zyilaleta kulimvwa kwabasikubala, beebelezya abasikuswiilila kwalo kuleta kuswaangana akati kabo abasikutola lubazu.
- Azyimwi biyo

## ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, zyibelesyo zyisiyene-siyene (muyuwa, ngoma, namalwa azyimwi).

## CILANGILWA CEELEDE:

- Kugwasyilizya kwa zyibelesyo kumilimo ya Litalicca kwapandululwa bweelede.

## MULIMO.

- Basicikolo balembe zyibelesyo zyimwi zyibelesyegwa mukwiimba.
- Bayi bape cakucita kweendelanya aciiyo.

## **CAKUCITA 4: Tondezya bube bwa milimo ya Litalicca (nyimbo, twaambyo, twaano azyimwi) kuluziyibo lwabukkale bwakaindi (bweendelezi, bukombi, busyaabupampu).**

## MWIIYI

- Sololela basicikolo mukulanganya nyimbo, twaambyo, twaano, azyimwi mbozyigwasyilizya luziyibo lwabukkale bwakaindi ambozyiswaangana abweendelezi, bukombi, abusyaabupampu azyimwi biyo.

## BASICIKOLO

- Batondezye nyimbo, twaano, twaambyo azyimwi mbozyigwasyilizya kuyubulula maseseke aacitika mubweendelezi bwamfwukumende, bukombi, busyaabupampu azyimwi biyo.

- Bapandulule twaano, twaambyo anyimbo mbyuzagwasya kuubyaubya buumi akulusumpuko mbotujana kwiinda mubulelo, bukombi azyimwi biyo.

#### LUZYIBO

- Zyipa luzyibo lwabuponi kwiinda mukutondezya zyintu zyiteelede kucitwa azyeelede.
- Ziyiyubulula bubu bucitika muzyooko akupa lulayo kubuponi bubotu.
- Zytondezya bupati bwabantu bacipona amizimo mboibagwasya.

#### ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, malembe aatunsiya-nsiya, Zyilengwa zyabatonga (M S. Chidwayi, Kupaila Mizimo (Katowa) azyimwi biyo.

#### CILANGILWA CEELEDE:

- Bube bwamilimo ya Litalicca (nyimbo, twaambyo, twaano ...) zyaswaanganizyigwa aluzyibo lwabukkale bwakaindi buzulide.

#### MULIMO

- Kuzumanikana (Debate): Nyimbo zyamazubaano zyanyonganya bukkale mucisi. Ulazumina naa ulakaka? Basicikolo bakazyanye mutubunga.

## **MUTWE MUSYOONTO 2: MISYOBO YA LITILICCA YAKUMULOMO**

### NTALISYO

Litilicca yakumulomo ncibeela cazyaaano zyaambaulwa naa kwiimbwa. Zyaano zyikananwa zyilagwasya kuselemuna tunsiya-nsiya kuzwa kumusela omwe kusika kumusela uccilila. Litilicca eeyi ilagwasya kubamba zyiimo zyakubusyi mukukomena kwabo. Ooyu mutwe naa kampango aaka kalalanganya akupandulula misyobo ya Litilicca yakumulomo alimwi amikozyanyo yayo.

### CEELEDE KUCITWA

- Kubandika ziyatikizya misyobo ya Litilicca yakumulomo.

### **CAKUCITA 1: Tondezya misyobo ya Litilicca yakumulomo.**

### MWIIYI

- Sololela basicikolo kutondezya misyobo ya Litilicca yakumulomo.
- Bona kuti bana balemba misyobo yeelede.

### BASICIKOLO

- Batondezye misyobo ya Litilicca yakumulomo.

### LUZYIBO KUMWIIYI

- Tunyona mulaka
- Tulabi
- Twaano
- Zyiimbo
- Madinku
- Kweema
- Twaambyo/Tusimpi
- Tusanko.
- Mangwinini.

### ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, manila, tupepa tusimbidwe azyimwi zyibelesyo.
- Bayi babelesye zyibelesyo kufwumbwa zyijanika ooko nkobabede.

#### CILANGILWA CEELEDE:

- Misyobo ya Liliticca yakumulomo yatondezyegwa bweelede.

#### **CAKUCITA 2: Kupandulula misyobo ya liliticca yakumulomo.**

#### MWIIYI

- Sololela basicikolo kupandulula misyobo ya Liliticca yakumulomo.
- Lulamika bwiinguzi butali kabotu.

#### BASICIKOLO

- Bapandulule misyobo ya Liliticca yakumulomo.

#### LUZYIBO KUMWIIYI

- Zyeemo- ninzila iimwi ya Liliticca iibotya majwi aakananwa muzyitondezyo zyipa kuti mubili amizeezo inyanyaale mubuponi bwamuntu.
  - Tunyona mulaka-nkaambo kakatazya kwaamba buluzi mukuti kaambwa cakufwambaana akwiindulula majwi.
  - Twaano- musyobo wakaano uuya kwaambilwa kuzwa kumusela omwe kuya kuli uccilila
- 
- Tusimpi- ootu ntwaambo twabusongo tujisi bupanduluzi busisidwe.
  - Tulabi: ootu ntwaambo twampasulula balozi. Ntwaambo tuyanda bwiinguzi bwabusongo.
  - Nyimbo – musyobo umwi wakweema uujisi majwi aayalidwe munzila iikwelelezya.
  - Madinku – ntwaambo twamasendelela tujisi majwi aalulayo.
  - Tusanko – majwi aabelesyegwa kusobana kufwubaazyanya calo cuubyaubya mapenzi aajisi muntu ciindi eeco.
  - Mangwinini – nkulengelezya camasesya calo cipa kwiibilizya.

#### ZYIBELESYO ZYAKUYIISIZYA ZYIMWI

- Bbuku lyakubelesya kuyiisya, mabbuku amalembe aa Liliticca yakumulomo wiimpene-impene.

#### CILANGILWA CEELEDE:

Misyobo ya Liliticca yakumulomo yapandululwa bweelede.

#### MULIMO.

- Basicikolo bakavwuntauzye misyobo iimbi ya Liliticca iitaambidwe akupa bupanduluzi.

#### CAKUCITA 3: Kupa mikozyanyo ya liliticca yakumulomo.

#### MWIIYI

- Sololela basicikolo mukupa mikozyanyo ya misyobo ya Liliticca yakumulomo.
- Gwasyilizya kululamika mikozyanyo yapa basicikolo.

#### BASICIKOLO

- Basicikolo bape mikozyanyo yamisyobo ya Liliticca yakumulomo.

#### LUZYIBO KUMWIIYI

##### a. Twaano

##### **Mukozyanyo:**

*Mumunzi mwa Choobe kwakali kukkala munene wakali kutegwa Chaatila, ooyu munene wakalijisi mpuwo kapati akaambo kakuti wakali musongo kapati. Chaatila wakali kusyomwa kulaya bantu akupatulula twaambo twakali kunga tulipatide.*

*Bumwi buzuba mukubusi umwi wazyina lya Muzembo wakayeeya kuti akasunke busongo bwamunene Chaatila. Wakabweza kayuni akukavwunga mumaanza. Naakasika kumunene wakati, “Omunene ndilizyi kuti ulimusongo kapati alimwi ulagwasya bantu banji baboola kusongolwa kutwaambo tunjaanji. Oomu mujanza ndifwumbatide kayuni, ino koya ndaambile, sena kayuni aaka kalalanga naa kalifwide?’*

*Munene Chaatila wakamulanga mwana mukubusi akumwetamweta biyo. Wakati “Muzembo kwiingula kukaambo kako aako nkuubauba, buumi bwakayuni aako buli mumaanza ako”. Muzembo wakali kuti munene uciya kumbele ani walo wakamaninzya kwaamba.*

*Naakabona kuti munene waleka kubandika, Muzembo wakabuzya kuti ino kwaamba kuti “buumi bwakayuni buli mumaanza angu caamba nzi?”*

*Munene Chaatila wakamusandulwida kuti, “Kuti nindaamba kuti kalalanga, nookajaya, alimwi kuti nindaamba kuti kalifwide nookalekezya kutegwa undizule.”*

*Muzembo wakatyompwa kapati alimwi wakazumina ncobeni sikale ncaakati, ‘Mupati usiigwa kulubilo, kumaano tomusiya.’*

**b. Tusimpi/ Twaambyo**

**Mikozyanyo:**

- i. Dombe ntaanzi njiinywa meenda mabotu.
- ii. Sokwe kaamuleya katabi.
- iii. Kalya uzumanana.
- iv. Muzoka ulya kweendeenda.
- v. Mulonga watakozyolwa, wakabula makoba.
- vi. Cito ncozyibide cilumya ntale.

**c. Tunyona mulaka.**

**Mikozyanyo:**

- i. Lyapya payi lyapya payi lyapya payi....
- ii. Ndajaya munyama bula bwaba bwababwa bangu.
- iii. Sinamubona simugomampako ugoma-goma bugoma-goma simugoma mpako ooyu.
- iv. Ndakamujana mujiki ku Mujika uluujisi ulajika-jika mbubwena bujika mujiki waku Mujika.
- v. Akaka ndakaka kaka kaka-kaka aaka kana nkabi.

**d. Tulabi**

**Mikozyanyo:**

- i. Bbokesi lyakoo mponi makki matansyi.
- ii. Zingulu-zingulu cikweekwe.
- iii. Wabota mooye usondela amulyango.
- iv. Ndakeenda anamuleya-leya.
- v. Ndayanika bukowa bwaca nsebjani.

**e. Tusanko**

**Mikozyanyo**

- i. Ukomenzya matende bapima taala.
  - ii. Ukomenzya mutwe nimfwaindi yamubbi.
  - iii. Miindi mbuli nkoli ya saatani.
  - iv. Ukomenzya mpemo kukkede cula.
  - v. Ulansya keebo nkanywido kasaatani.
- f. Mangwinini.

**Mukozyanyo:**

- i. Milimo iicita Lucky Haangwani, Cheelo Mwanachingwala, Shandele Chaandwa, Musole Jasper, abamwi.

**ZYIBELESYO ZYIMWI**

- Bbuku lyakubelesya kuyiisya, mabbuku amalembe aa Litalicca yakumulomo aaimpene-impene.

**CILANGILWA CEELEDE:**

- Mikozyanyo yamisyobo ya Litalicca yakumulomo yalembwa mubuluzi.

**MULIMO.**

- Basicikolo balembe twaambyo ntobazyi.
- Basicikolo bakalembe aumwi kaimbo akukaimba.

**KUMANINZYA.**

- Mucibeela eeci twalanganya Litalicca yakumulomo.
- Twaabana mbuli zyilengwa zyipa kuti bantu baane, baimbe nokuba kucita milimo ya Litalicca yiindene- indene.
- Twaiya amisyobo ya Litalicca yakumulomo amikonzyanyo yayo.

**MAMANINO AABBUKU LYAKUBELESYA KUYIISYA**

.....  
 .....



## BIBLIOGRAPHY

Chanda V.M. (2002). **Introduction to the Study of Bantu Languages**. LAL 211 Batch 1. UNZA . Lusaka.

Colston, H. L. (2015). *Using figurative language*. Cambridge University Press.

Glucksberg, S. (2001). *Understanding figurative language: From metaphor to idioms*. Oxford University Press. Keraf, G. (2009). *Diksi dan Gaya Bahasa Jakarta*: PT. Gramedia Pustaka Utana

Mbwayu, J (2003). **Introduction to the Study of Poetry and Drama** E122 Batch 1. UNZA. Lusaka

Ministry of Education (2024). *Literature in Zambian Languages Ordinary level Syllabus*. Curriculum Development Centre. Lusaka.

Musonda B.L (2002). **Introduction to Literary Studies** LAL 221 Batch 1. UNZA. Lusaka

Rasinski, T., Smith, M. C., & Zutell, J. (2017). *Go figure! Exploring figurative language, levels 2–4*.

Savan & Grehan (1986). **Readings in Poetry**. Kenneth Kaunda Foundation. Lusaka.

Shell Educational Publishing.

Vulchanova, M., Milburn, E., Vulchanov, V., & Baggio, G. (2019). Boon or burden? **The role of compositional meaning in figurative language processing and acquisition**. *Journal of Logic, Language and Information*, 28, 359–387. doi:10.1007/s10849-019-09282-7